

上虞羅振玉述

本朝學術源流概略


大連中日文化協會發兌

序

戊辰冬由津沽移居遼東戡影海隅意且屏絕人事今年春海東友人松崎君柔甫邀余講學請有之上公及頤廬學部爲之介自維憂患餘生學殖荒落初未敢承以二君懇意乃勉應以講本朝學術概畧而先之以歷代學術變遷此其講藁也頌夫之言未必有當亦據其一得之愚而已諸君子幸裁正之庚午夏上虞羅振玉記

# 古今學術之遞變

上虞羅振



中國學術。越三千年之久。固不能無變遷。論其大要。則由易簡而日趨繁複。因繁複而漸味本原。又世治平則政教一。政教異則師儒異。今請本朝學術。當先述歷代之變遷。約分六端。略陳如下。

一古人之所謂學。古人爲學。不出倫常日用。本易知易行。而上之施教。亦至簡至易。蓋因物則民彝之所固有。而裁成之。孟子稱三代之學。一言以蔽之。曰。明人倫。非三代爲然。三代以上。莫不皆然。其在尙書堯典。所謂五典五品者。皆謂五常。卽父子有親。君臣有義。夫婦有別。長幼有叙。朋友有信。五達道是也。古之所謂學。蓋如是而已。

二三代政教合一。古之治天下者。作之君。作之師。政教合一。裁之尙書與周官。舜典記舜之施教也。曰。命伯夷典禮。禹典樂。禮主敬。樂主和。禮以制人身。俾不流于放蕩。樂以和人心。俾不入于邪僻。所施至簡。有周之教。則制定家塾黨庠術序國學小學之教。由數與方名。書計幼儀。進而學樂誦詩。舞勺舞象。大學則教以三德六藝。尙書大傳言。入小學知父子之道。長幼之叙。入大學知君臣之義。上下之位。是有周之教亦非繁雜。惟其政教合一。故其盛也。菁莪賦而人才興。其季也。菁衿賦而學校壞。于是孔子興而師儒起矣。

三儒教勃興。孔子生周室東遷以後。于時王室式微。政教陵替。臣弑其君者有之。子弑其父者有之。孔子有德無位。然傷人道之瀆。乃祖述堯舜。憲章文武。刪詩書。正禮樂。以待後王之取法。又因魯史而作春秋。褒善貶惡。以垂法戒。因喪貶爲天子之事。自嫌於僭。故有知我罪我之歎。設教洙泗。從游三千。通六藝者。七十二人。俾先聖之大經大法。不墜於地。其教人也。以文行忠信。而一準之以中庸。孟子嗣興。復昌孔子之說。後王法之。乃卒撥亂世而反之正。二千年來有天下者。循孔孟

之道固不與。昔之固不亡。于是儒教遂爲萬世準則。爲治天下者。所莫能廢矣。

四周秦間諸子學說。春秋以降。逮于七國。世衰道微。學者競起。謀矯社會之弊惡。以時君苛暴擾民。而莊老清淨之說興。因世風薄。賊民興。而申韓刑名之說起。憤世人之自私自利。而墨氏唱博愛。憤世人之同流合汙。徇人阿世。而楊氏唱貴我。在歐洲之治東方史者。以周秦之際。爲中國思想最發達之時期。而自儒教興之。則謂之異端。蓋矯枉而過乎正。大易所謂失之毫釐。差以千里。極其弊害之所至。將大害于人類。故孟子拒楊墨。至以爲無父無君。近于禽獸。比之洪猛。至儒術。則依乎中庸。不偏不易。萬世由之而無弊。四海推之而皆準。是以周秦諸子之學。或言而不能行。或行而不能久。至今僅存留一種之學說。儒者之道。則如日月經天。江河行地。人類一日不滅。聖道一日不亡也。

五兩漢至隋唐間儒學興廢。自瀛秦並六國。燒詩書。坑術士。重法吏。二世而亡天下。及炎漢興。高祖十二年。行過魯。以太牢祀孔子。爲兩漢尊崇儒術之始。于時人民始雖湯火。以黃老爲治。務清淨以息民。然黃老之治。不可久也。孝文始置五經博士。武帝大合天下之書。表章六經。廢黜百家。孝宣論六經于石渠。儒學一時稱盛。然當世。若公孫弘張馮孔光諸人。雖以儒學致三公。而脂韋阿世。襲儒之名。而亡其實。至于劉歆。遂佐器其漢。班固儒林傳贊。以當時儒術之盛。由於祿利。洵知言矣。光武中興。首崇儒學。史臣稱其東西誅戰。不遑啓處。然猶投戈講藝。息馬論道。建武五年。營起太學。車駕臨幸。明帝遊意經藝。每雙射禮舉。正坐自講。諸儒並聽。多名名儒。以充禮官。章帝東巡。至魯祀孔子。于是教化昌明。朝野競奮。雖桓靈之世。朝政昏濁。國是日非。而黨網之流。獨行之輩。依仁蹈義。舍命不渝。范滂宗謂是時權強之臣。息其閹盜之謀。豪俊之夫。屈于鄙生之議。所以傾而未頽。決而未潰者。皆仁人君子心力之爲。其言至允。至魏武重才輕行。其下詔求賢。至欲得盜嫂受金而未遇者。于是風俗丕變。三國鼎立。未遑禮樂。人心日漓。司馬代魏。崇尚老莊。棄經典而尚清談。卒致五胡之亂。逮乎六朝。南北分立。爭伐不休。民生朝不保暮。乃乞憐于釋老。儒學再厄。迄隋氏統一南北。而重文學。輕儒術。一傳而亡。隋之末季。文中子講學河汾。以儒爲教。李唐之興。其弟子多致卿相。遂啓三百年文明之運。太宗御宇。命孔冲遠等。

爲五經正義。儒學再昌。得人稱盛。元宗中衰。羯胡倡亂。天下土崩。而二顏倡勤王之師。張許奮死綏之節。卒致恢復兩京。神器不墜。烏得謂非儒術之效哉。

六宋元明之學術。李唐以後。中更五季之亂。置君等于奕棋。臣節于焉掃地。宋藝祖卽位之初。首襲韓通。泊平北漢。復釋衛融。以勵臣節。是爲尊崇名教之漸。至真宗咸平二年。命邢昺孫奭等校諸經疏義。仁宗慶歷四年。詔天下州郡立學。作太學于京師。于是周興程頤胡瑗張載大儒輩出。以昌明正學爲己任。故靖康之變。志士投袂勤王。臨難不屈。南渡之初。朱文公復奮起於諸賢之後。講道論學。盛極一時。濂洛之風。上承洙泗。及宋之亡。忠節相望。元世祖起朔漠。及主中夏。慕景儒風。以至元二十四年。置國子監。設江南各路儒學提舉司。召許衡爲國子祭酒。成宗加封孔子大成至聖。雖享國不久。而亡國之際。忠義之士。如李獻可關秦不花福壽之死綏。察罕帖木兒之義師。擴廓之始終故主。亦備效所致矣。明太祖崛起艸莽。因孟子有艸芥寇讎之說。至剛節孟子。欲罷其祀。成祖革除。屠戮忠良。至夷十族。而當世士夫。則被濂洛遺澤。秉節不回。九死無悔。大儒輩出。若薛瑄吳與弼王守仁呂柟陳獻章湛若水鄒守益羅洪先等。相承不絕。至于末葉。東林諸賢。聚徒講學。雖神宗之世。奄寺橫行。流毒天下。誅鋤正人。榜掠朝士。乃臣節愈勵。士氣益張。逮于亡國。東南義師竄起。延十餘年始定。昔懷宗殉國。自歎有君無臣。而平心論之。有明一代君德。除懷宗死社稷外。他無一可稱。而士夫崇尚節義。先仆後繼。則互古所無。宋儒講學之功。雖易代而效愈彰。儒術之功。顯不遠且大哉。

以上所述。歷代學術之遞變。可得概略。大率兩漢。以行取人。若孝弟力田。賢良方正。經明行脩。孝廉諸科。尙未失古制。至博士授業。一依家法。由訓詁名物典制。以求經義。爲學亦未甚繁雜。故漢書藝文志所載典籍無多。至隋唐以降。典籍益多。學愈繁複。士子東髮受書。至于皓首。或尙不能窮一藝。又以文取士。去行益遠。殊失古人爲學之本原。宋儒崛起。一矯漢唐以後重文輕行之失。由博而反之約。流風所被。下逮元明。師儒之功。顯不做哉。

明季大儒顧亭林氏有言。自古有亡國。有亡天下。亡國與亡天下奚以辨。曰。易姓改號。謂之亡國。仁義充塞。而至於率獸食

人。人將相食。謂之亡天下。知保天下。然後知保其國。保國者。其君其臣。肉食者謀之。保天下者。匹夫之賤。與有責焉。亭林氏所謂匹夫有責者。師儒是也。其界說本自明白。君子素位而行。大義名分。不敢稍越。非天子。不議禮。不制度。不考文。有德無位。不敢作禮樂。以孔子之至聖。亦祖述先王之道。以法後王已耳。其因魯史作春秋。尙以褒貶有出位之嫌。而有知我罪我之歎。後世妄人。遂以孔子爲素王改制。其犯上作亂者。至引亭林氏匹夫有責之言。爲口實。皆名教之罪人。大悖師儒之義者也。并附識之。

古今學術之遞變終

# 本朝學術源流概略

上虞 羅振玉 述

## 一 緒論

本朝學術。一洗明代空疏之弊。頓復漢唐之盛。爲政教合一文化最盛時期。二百數十年間。作者如林。雖道咸以後。國家多故。學術不免有陵夷之勢。而流風未沫。且間有能補苴乾嘉諸儒所未備者。今記述本朝學術之概略。分四章述之。

- 一 本朝學術之淵源。
- 二 本朝學術之流派。
- 三 本朝學者之研究方法。
- 四 本朝學術之得失。

## 第一章 本朝學術之淵源

本朝開國之初。世祖章皇帝。以政刑所以濟民。而教化實爲宰治之根源。故戈于甫戢。卽發內帑金三萬。脩葺孔廟。親臨國學。聖祖仁皇帝。旣臨雍講學。復臨幸闕里。親祭先師。行三跪九叩禮。世宗憲皇帝兩臨太學。行釋奠禮。曲阜孔廟英。發帑重脩。蓋以黃瓦。益崇其制。並脩繕孔林。高宗屢幸曲阜。致祭先師。復於國學創建辟雍。親臨釋奠。置孔廟祭器。送闕里陳設。並飭直省修文廟祭器樂器。詔國學大成門大成殿用黃瓦。仁宗宣宗。並再臨太學。一遵祖制。德宗時。升孔子爲大祀。崇備重道。遂成一代文明之治。提倡學術。厥端非一。分述如下。

一 聖學 聖製。世祖入關戡亂。甫墊邦基。且臨御僅十有八年。頗踐降未幾。卽於文華殿開經筵。遴選詞臣。充日講官。故。聖學緝熙光明。以孝爲百行之本。欽纂孝經注。復命儒臣撰次經史諸子釋言之闡政治者。爲資政要覽。以資借鏡。撰人臣做心錄八篇。以戒百寮。撰內則衍義十六卷。勸善要言一卷。以教士民。諸書雖由儒臣纂輯。而躬自裁定。刊刻頒行。聖祖副位。日御經筵。欽撰戒士子文。班天下學宮。以教士。頒聖諭十六條。以教齊民。三藩之亂既定。天下無事。大開文館。深宮之中。讀書不輟。御批通鑑綱目。論斷精詳。折中至當。御製數理精蘊。溝通中西。集數學之大成。蓋聖祖以上聖之資。窮天人之奧。上自經史六藝。下逮百家衆流。靡不兼綜並貫。作君作師。一人兼之。不徒爲歷代帝王所未有。卽本朝儒林文苑諸大師。莫非分聖學之一體而已。世宗繼統。欽撰孝經集注一卷。推衍聖祖聖諭十六條爲廣訓。以教天下。命儒臣撰輯執中成憲以自鑑。撰訓飭州縣規條。以戒民牧。復記述聖祖庭訓。爲庭訓格言。高宗在青宮時。撰日知錄說。臨御以後。御批通鑑輯覽。於政治窮究得失。萬幾之暇。日與儒臣講貫。復命乾清門侍衛阿彌達。往青海窮河源。命江蘭探淮源。命秦承恩赴涇渭發源地。以考二水之清濁。此乃前代帝王之所未有。迨仁宗以降。列聖相承。典學不倦。山聖祖逮于宣宗。御製詩文集。記載鴻博。大而武功文治。細而一名一物。包併靡遺。裨益國故。亦非歷朝帝王之集。所可比擬。聖學如此。故風行草偃。文化覃敷。此本朝學術之淵源一。

二 開著作館。自順治朝。始飭儒臣撰述。並開明史館。爲本朝命儒臣撰述。及開館著作之濫觴。及康熙朝。首詔儒臣纂注群經。復開圖書集成館。造端宏大。乾隆朝開四庫全書館。三通館。復采輯永樂大典中逸書。直至光緒朝。增修會典。垂三百年。幾未嘗輟業。凡欽定之書。至數萬卷。盛德大業。爲千古所無。諸館大半以翰林充撰輯。而以親王及大學士領之。故本朝儒林文苑諸大師。出於翰林院者什七八。在草野者。什二三而已。此本朝學術之淵源二。

今將本朝 敕脩 欽定各書。除關於國史。若實錄方略。關於政書。若各部則例等書外。其開學術者。分四部。列表如左。



朝 代 經 史 子 集

聖祖朝	世祖朝	內則衍義 十六卷	易經通注 四卷	道德經注 二卷	資政要覽 三卷	古文淵鑑 四卷
日講易經解義 十八卷	歷代記事年表 百卷	性理精義 十二卷	朱子全書 百卷	歷代賦 四百卷	歷代賦 四百卷	歷代賦 四百卷
日講詩經解義 皇 與 表 十六卷	皇 與 全 覽 圖 歷象考成 四卷	全 唐 詩 九百卷	日講禮記解義 四卷	方輿路程考略 星 歷 考 原 六卷	御選唐詩 五卷	御選唐詩 五卷
日講春秋解義 四卷	清涼山新志 十卷	子史精華 十卷	御選四朝詩 十二卷	周易折中 二卷	全 金 詩 七卷	全 金 詩 七卷
日講四書解義 六卷	書經傳說彙纂 四卷	佩文韻府 六卷	佩文齋詠物詩選 四百卷	詩經傳說彙纂 三卷	韻府拾遺 二百卷	歷代題畫詩類 十卷
春秋傳說彙纂 四十卷	孝經衍義 百卷	駢字類編 四百卷	歷代詩餘 二百卷	律呂正義 五卷	分類字錦 六卷	詞 譜 四十卷
律呂正義 五卷	策文六經四書	佩文齋書畫譜 百卷	曲 譜 十四卷	康熙字典 四卷	廣群芳譜 百卷	
音韻闡微 十八卷						

本朝學術源流略誌

佩文齋詩韻五卷

清文鑑

世宗朝

八旗通志 二百五十卷  
訓仿州縣規條 一卷  
古今圖書集成 一萬卷

高宗朝

周易述義十卷

明通鑑綱目三編 四十卷  
史 三十三卷  
通鑑綱目三編 四十卷

詩義折中二十卷

古今儲貳金鑑 六卷  
唐宋詩韻 八卷  
詩義折中 二十卷

周官義疏八卷

儀象考成後編 二十卷  
四書 文 一四卷  
儀象考成 三卷  
皇清文類 十四卷

儀禮義疏八卷

歷象考成後編 二十卷  
四書 文 一四卷  
儀禮義疏 八卷

禮記義疏八卷

協紀辨方書 三十三卷  
補繪離騷全圖 二卷  
禮記義疏 八卷

滿文五經八卷

授時通考 六卷  
醫宗金鑑 九十卷  
滿文五經 八卷

滿文四書九卷

續通考 十二卷  
四庫全書提要 二百卷  
滿文四書 九卷

律呂正義後編二十卷

四庫全書 二百卷  
四庫全書考證 百卷  
律呂正義後編 二十卷

詩經樂譜三十卷

四庫全書考證 百卷  
四庫全書 二百卷  
詩經樂譜 三十卷

樂律正俗一卷

四庫全書考證 百卷  
四庫全書 二百卷  
樂律正俗 一卷

音韻述微三十卷

天祿琳瑯書目 三十卷  
校正 十卷  
音韻述微 三十卷

叶韻彙輯八卷

閣帖釋文 十卷  
三希堂法帖釋文 一卷  
叶韻彙輯 八卷

增訂清文鑑三卷

三希堂法帖釋文 一卷  
增訂清文鑑 三卷

滿蒙漢文三鑑三卷

聚珍版程式 一卷  
滿蒙漢文三鑑 三卷

切音清文鑑三卷

聚珍版程式 一卷  
切音清文鑑 三卷

西域同文志

四卷十

大清律例

七十四卷十

石渠寶笈

笈

同文韻統

六卷

國朝宮史

三十六卷十

續編

編

清漢對音字式

一卷

詞林典故

八卷

西清古鑑

四十卷

歷代職官表

二十七卷十

西清續鑑

二十卷

勝朝殉節諸臣錄

十二卷

甯壽鑑

古十六卷

八旗滿洲

八十卷

秘殿珠林

二十四卷十

滿洲源流考

二十卷

西清硯譜

二十四卷十

蒙古源流

八卷

錢

錄十六卷

大清一統志

五百卷

皇清職官圖

九卷

皇輿西域圖志

二十五卷十

日下舊聞考

一百卷二

盛京通志

百卷

熱河志

一百卷二

盤山志

一百卷十

河源紀略

六卷十

石峰堡紀略

略

圖子監志

二十六卷十

仁宗朝	月令輯要 廿四卷 圖說 一廿四卷 明臣奏議 四十卷	授時廣訓 二卷 石渠寶笈三編 全唐文 一千卷 皇清續文類 十卷 熙朝雅頌集 十四卷
宣宗朝	續脩大清會典 六十卷 續脩大清會典 六十卷 四十六卷 宮史續編 續編詞林典故 四卷 八旗通志二集 三十五卷 清涼山續志	
文宗朝	大清通禮續纂 三十五卷 新編識略 十三卷	
穆宗朝	滿漢文大學衍義	滿蒙漢文學論廣訓
德宗朝	增修大清會典 百卷 事例 千二百二十卷 圖 一百三十二卷	治平寶鑑

右表所舉。尙有未備。或未知其卷數然已得一百四十五部。二萬四千餘卷。合歷代千餘年官撰之書。亦不能得此數。可謂極互古所未有矣。

三搜輯遺書。自乾隆六年正月。詔訪求遺書。凡元明諸賢。及國朝儒學。研究六經。闡明性理。潛心正學。醇粹無疵者。雖業在名山。未登天府者。著直省督撫舉政。留心采訪。不拘刻本鈔本。隨時進呈。至三十八年二月。安徽學政朱筠。條奏搜輯遺書。詔依其請。三月。以進書寥寥。諭內閣。凡民間所有藏書。無論刻本寫本。皆官爲借鈔。仍將原本給還。當嚴飭地方官。勿假手吏胥。藉名滋擾。著傳諭各督撫。予以半年之限。陸續奏報。是月。又諭軍機大臣。令訪之江浙藏書家。並向蘇州山塘書鋪。湖州書船。善爲諮詢。詳加物色。五月甲戌。因江浙督撫兩淮鹽政等。奏到購求呈送之書。已不下四五千種。並有藏書家將所有舊書呈獻者。諭內閣。藏書家將珍藏善本。應詔覓交。深可嘉尚。俟校辦完竣日。仍行發還原獻之家。三十九年五月丙寅。諭內閣。凡進書百種以上者。擇其中精醇之本。進呈乙覽。幾餘親爲評詠。題識簡端。其已經題詠者。書前先行錄副。即將原書發還。俾收藏之人。益增榮幸。並因鮑士恭范懋柱汪啓淑馬裕四家。獻書至五六七百種。實古今圖書集成各一部。以爲好古之勸。進書百種以上之周厚培蔣曾瑩吳玉搢孫仰曾汪汝璣。及朝紳中黃登賢紀昀勵守謙汪如藻等。每人賞佩文韻府成四庫全書。計三千四百六十種。七萬五千八百五十卷。三萬六千冊。從來圖書之美備。無逾是者。此本朝學術之淵源三。

四校刊經籍。本朝開印書局於武英殿。先後垂三百年。以雕造御製欽定各書。及古籍。康熙朝。復命江蘇運司。于揚州開詩局。校刊各書。復造銅活字。印圖書集成。乾隆三十九年。金簡請造木活字二十五萬餘。錫名聚珍版。印叢書二千七百餘卷。乾隆十一年。飭儒臣校勘十三經注疏。二十二史。各附以考證。又影刊岳刻五經。咸清本周易本義。清祐本四書集注。又刻古香齋補珍本各書。及乾隆五十六年。刻石經於太學。出天祿瑤瑤未版各經。及流傳舊本。命彭元瑞等校勘。爲考文提要。詔仿唐石經。刻五經文字九經字樣例。刊置經末。並鐫版頒行天下。綜計內府所刊羣籍。合以漢文滿文藏文四佛藏。不下十餘萬卷。同治中興。兵燹以後。鮑源深奏請刊書局。頒發各學。乃詔東南五省督撫。開版書局。光緒間。兩廣督臣張之洞。立廣雅書局於廣州。合計各局所刊。共數萬卷。嘉慶十八年六月。以生員鮑廷博進呈所刻知不足齋叢書。賞給舉人。以

獎勵私家刻書。于是常燕之張。金山之錢。南海之伍。最近錢唐之丁。吳興之陸氏劉氏張氏。定州王氏。刊書亦至夥。二百餘年來。合官私所刻。不下數十百萬卷。得書之易。古所未有。此本朝學術之淵源四。

五頒布羣書。本朝 欽定經籍。頒行天下。嘉惠士林。屢奉 明詔。乾隆元年二月丙午。頒十三經廿一史於各省會及府州縣學。戊午。頒 聖祖仁皇帝御製周易折中性理精義朱子全書 欽定尚書傳說彙纂詩經傳說彙纂春秋傳說彙纂。儲於太學。刊示諸生。五月己未。頒 聖祖仁皇帝御製律歷淵源於直省學宮書院。二年九月丁酉。頒 聖祖仁皇帝御製文集 世宗憲皇帝 硃批上諭 御製藥善堂集於官學。三年六月。諭內閣。從前 世宗憲皇帝諭。將 聖祖仁皇帝御刊經史諸書。頒發各省布政司。敬謹刊刻。准人刷印。並聽坊間刷賣。近聞書版收貯藩庫。刷印者少。著各撫藩將書版重加修整。俾士民等易於刷印。有願翻刻者。聽其自便。如 御纂諸書。未經頒發者。著該督撫奏請頒發。刊版流布。至武英殿翰林院國子監。皆有存貯書版。並內府所有各書。亦應聽人刷印。以廣教澤。四年十二月。頒 聖祖 世宗御製文集。並 御纂諸經於宗學。五年七月。頒日講四書解義 御纂四經性理精義 御選古文 御注孝經於奉天各義學。九年。頒古今圖書集成於翰林院。十六年。頒武英殿十三經二十四史于江甯鍾山蘇州紫陽杭州敷文三書院。二十三年八月。詔將武英殿所刻。 皇朝通禮。按照省分。各印給一部。四十四年六月。頒書籍於承德府文廟。四十七年。四庫全書告成。既繕寫三部。分藏大內文淵閣。及奉天熱河之文律文溯閣。以江浙爲人文淵藪。復寫三部。於江蘇金山建文宗閣。揚州大觀堂建文匯閣。杭州西湖建文瀾閣。以廣之。許士子到閣檢閱。以廣教澤。嘉慶九年二月。復頒 高宗聖製詩文全集。欽定石刻十三經于翰林院。于是臣民咸得窺石渠天祿之藏。此本朝學術之淵源五。

六舉行特科。本朝兩舉鴻博。一在康熙十七年。詔凡有學行兼優。文詞卓越之人。無論已未出仕。著在京三品以上。及科道官員。在外督撫布按。各舉所知。將親錄試用。以十八年三月一日。于禮仁閣考試。內外薦舉者百八十六人。中選者彭孫通等五十人。皆以翰林官用。令編脩明史。一在乾隆元年。先是雍正十一年四月。下 詔重脩制科曠典。十三年二月。及十一月。以薦舉寥寥。復 諭在內大臣及各省督撫。悉心延訪。速行薦舉。定一年內齊集京師。至乾隆元年。九月二十六日己未。

御試於保和殿。是科被舉者二百六十七人。到京者百八十人。與試者百六十七人。取一等五人。二等十人。十月乙丑。詔一等五人授編脩。二等十人內。五人以甲科出身授檢討。五人以諸生授庶吉士。二年七月十一日。復行補試。集闈下者二十六人。取一等一人。二等三人。二人授檢討。二人授庶吉士。十四年十一月。詔舉經明行修之士。令內而大學士九卿。外而督撫。公舉所知。不拘進士舉人諸生。以及退休閒厝人員。能潛心經學者。慎重選訪。越二年。內外庶工保舉四十九人。十六年閏五月。諭內閣。內外所舉。既有四十九人。其間流品。自不無混雜。果有篤學碩彥。爲衆所真知灼見。卽無庸調試。著大學士九卿。將現舉人員。再行虛公覈實。無拘人數。務取名實相孚者。確舉以聞。大學士乃奏薦陳祖范吳鼎鑄錫瓊顧棟高四人。詔呈閱著作。六月丙午。授吳鼎鑄錫瓊爲國子監司業。八月丙申。以陳祖范顧棟高。年老不能來京。俱給與國子監司業銜。以勵宿學。乾隆朝。鴻博經學兩科。取錄甚嚴。然天下人士。乃爭自琢磨。駢駢然務實學矣。此本朝學術之淵源六。

七 獎勵宿學。列聖相承。獎勵宿學。康熙十八年。山西進士范鎬鼎。舉鴻博不應。講濂洛之學。御書山林雲鶴四字以旌之。四十一年。大學士李光地進呈梅文鼎所著歷學。御書積學參微四字賜之。四十四年。聖親南巡。德清處士胡渭。獻平成頌。先是侍講學士查昇。進呈渭所著禹貢錐指。至是。賜御書西湖詩扇。並賞者年篤學四字額。乾隆十六年。顧棟高以經學薦舉。御製七律二章賜之。二十二年。直巡召見。賜祭酒銜。並賜御書傳經著碩四字。吳鼎進所著象數說易問春秋四傳選義易堂問目考律緒言。梁錫瓊進所著易經探。諭令翰林二十員。中書二十員。在武英殿各繕寫一部。著梁詩正劉統勳董理其事。二十八年十月。諭軍機大臣等。現在修輯韻書。聞安徽婺源縣有已故生員江永。曾著四聲切韻表及音學辨微二書。稿本已成。未經刊刻。著傳諭該撫。卽飭該縣。就其家購覓。如因一時鈔錄不及。竟將原稿本隨奏摺之便。附封送京。以備采擇。書竣卽行發還。三十八年七月。辦理四庫全書總裁奏請。將進士都督簡周永年余集。舉人戴震楊昌霖。調取來京。同司校勘。奉諭。令該總裁留心觀看年餘。如果行走勤慎。其進士出身者。准其與壬辰科庶吉士一體散館。舉人則准其與下科新進士一體殿試。候酌量錄用。四十三年四月。四庫全書館進朱彝尊經義考。御製詩題卷首。諭軍機大臣。著錄寄浙撫三寶

就便詢問臧板之家。將此詩添冠卷端。使士林咸知闡崇經學之意。咸豐元年。禮部奏進江蘇舉人朱駿聲說文通訓定聲。諭賞加國子監博士銜。三年。禮部奏進福建舉人林昌彝三禮通釋。諭以教授歸部選用。十年。刑部候補主事何秋濤。進呈所著輿地書稽八十卷。賜名朔方備乘。諭俟補缺後以員外郎卽行升補。並著在愚勤殿行走。稽古之榮。下及草布。此本朝學術之淵源七。

八振興書院。世宗雍正十一年正月。諭內閣。各省學校之外。地方大吏。每有設立書院。聚集生徒。講誦肄業者。朕臨御以來。時時以教育人材爲念。但檢開書院之設。實有裨益者少。浮慕虛名者多。是以未嘗敕令各省通行。近見各省大吏。漸知崇尚實政。而讀書應舉者。亦頗能屏浮囂奔競之習。則建立書院。亦興賢育材之一道也。督撫駐節之所。爲省會之地。著該督撫。商酌舉行。各賜帑金一千兩。將來士子羣聚讀書。須豫爲籌畫。資其膏火。以垂永久。其不足者。在於存公銀內支用。封疆大臣等。並有化導士子之職。各宜殫心奉行。黜浮崇實。以助國家蓄養樸樸之化。至乾隆四年三月己巳。諭浙江敷文書院。每歲帑金租息四百兩。不足以敷餼稟。著加賜帑金一千兩。交與該撫經理。歲取息銀。以資諸生膏火。十五年。南巡。九月。至河南。幸嵩陽書院。四十年。因畢沅之奏。道光十七年。因御史巫宜稷奏。詔各書院延請山長。務訪學行兼優者任之。自雍乾以降。若陳祖范錢大昕段玉裁掌教紫陽。盧文弨掌教鍾山。全祖望掌教越山端溪。陳壽祺掌教篋峯。錢儀吉掌教大梁。李兆洛掌教甯陽。陳遵掌教菊坡。朱一新掌教廣雅。並能化導諸生。儒風丕振。阮元撫浙創設話經精舍。督學勸學海堂。延王昶孫星衍爲山長。以經史爲教。得人尤盛。卽晚近黃彭年于蘇州勸學古堂。黃體芳於江陰勸南菁書院。張之洞於廣東勸廣雅書院。成效雖不如乾嘉時。而東南士夫。尙知研究經史者。諸書院力也。此本朝學術之淵源八。

九內府蒐集古器。蒐集三代禮器。始于宋之皇祐。本朝乾隆中。命儲臣將內府所藏古禮器。編爲西清古鑑正續編。及甯壽鑑古。當時士夫。承流嚮風。斯學遂盛。其文字可考證經義。其形象可正禮圖。故程氏培田。據以釋考工。吳大澂據以考古度量權衡。晚近山川之寶。日出不窮。禮器以外。若殷虛之甲骨。西陲之簡牘。中州之碑板。均爲前人之所不及見。有資於考古甚巨。其風實自上開之。此本朝學術之淵源九。



## 第二章 本朝學術流派

本朝垂三百年之學術。由於國家之倡導。前章已言之。至學術流派略述如下。

一經學。本朝經學。欽定諸經。一承宋儒之舊。而兼采漢儒以下諸家之說。訓詁義理並重。一掃門戶之習。歧分經述之。

周易。易之爲書。推天道以明人事。漢儒言象數。去古未遠。乃一變爲京房焦延壽。遂入於禱祥。再變而爲陳搏邵康節。

專窮造化。不切人事。至王弼則盡黜象數。闢人老莊。宋儒專明儒理。又專求之人事。而遠乎天道。各得一偏。本朝欽定周易折中。主義理而不廢象數。一矯前人之失。今計本朝言易者凡四派。一漢學派。二理象折中派。三義理派。四開陳邵圖書派。

一漢學派。毛奇齡作春秋古經書。及易小帖。依據古訓。糾近代說易之失。惠士奇作易說。專宗漢學。以象爲主。惠棟作周易述。以荀爽爲主。而參以鄭玄宋咸干寶。又作易漢學。申孟長卿等五家之說。張惠言作周易虞氏易。專主虞翻。復爲鄭

氏義荀九家易。易義別錄集諸經疑信以下九家之說以存古說。孫星衍作周易集解。均祖述漢人。

二理象折中派。胡煦周易直書。朱軾周易傳義合訂。王心敬豐川易說。任啓運周易洗心。趙繼序周易圖質疑屬之。

三義理派。張爾岐周易說略。張烈讀易日鈔。李光地周易通論。楊名時周易筍記。程廷祚大易擇言。均明白篤實。不同空虛

至焦循周易補疏。則取王弼注之訓詁近古者。而爲之疏。亦義理派也。

四開陳邵圖書派。排斥圖書。始於元之吳澄。明之歸有光。本朝則有黃宗羲之易經象數論。黃宗炎之圖書辨惑。至胡渭易圖

明辨。張惠言易圖條辨。則窮溯本原。鉤稽益密。

尙書。自宋吳棫朱子陳振孫。元吳澄。明梅賾歸有光等。疑古文尙書爲僞。至閻若璩撰古文尙書疏證。益暢諸家之說。於是治尙書者分三派。一今文派。二不分今古文派。三古文派。

一今文派。閻若璩撰古文尙書疏證後。若惠棟尙書古文考。段玉裁古文尙書撰異。孫星衍尙書古今文注疏。王鳴盛尙書後案。

是治尙書者分三派。一今文派。二不分今古文派。三古文派。

是治尙書者分三派。一今文派。二不分今古文派。三古文派。

是治尙書者分三派。一今文派。二不分今古文派。三古文派。

宋鑿尚書考辨。江聲尚書集注音疏。皆以古文爲僞。而治今文。

二不分今古文派。自諸家考古文爲僞。當世學者。若黃宗羲錢大昕沈彤姚鼐。多從其說。然古文久研學官。朱彝尊謂其言多綴輯逸經成文。無悖於理。舉而刪之。非可行之道。陳祖范經咫。持論亦同。若李光地之尚書解義。張英之書經衷論。均不齟齬於今古文之爭。是爲不分今古文派。又諸家既攻僞古文僞孔注。將並孔注而廢之。焦循謂古文增多之二十五篇爲僞。堯典至秦誓二十八篇固不僞。今之孔傳。認爲魏晉間人之傳。亦何不可存。因歷舉其注之七善。作尚書補疏。此雖非不分古今文派。而持說甚允。故附於此派之後。

三古文派。閱若璩撰古文尚書疏證。毛西河爲古文尚書冤辭以反之。當時朱鶴齡尚書埤疏。亦不以古文爲僞。厥後張崇蘭古文尚書私議。亦反僞古文之說。欽定四庫全書。既載閔氏古文尚書疏證。毛氏冤辭。亦並載入。則廢古文之說。亦館臣所不盡替同者也。

毛詩。詩有四家。惟毛詩僅存。毛公作傳。鄭氏作箋。皆依據詩序。雖唐以前考作序之人。言人人殊。要無攻其僞者。自宋鄭樵王質。始譏爲村野妄人所爲。朱子作詩集。遂廢序說。于是本朝治詩者。遂分三派。一漢學派。二無專主派。三齊魯韓遺說派。

一漢學派。皆祖述毛鄭。然亦分三派。甲兼主毛鄭派。乙主毛派。丙主毛佐鄭派。若馬瑞辰毛詩鄭箋通釋。胡承珙毛詩後箋。屬甲派。陳奐毛詩傳疏。屬乙派。陳啓源毛詩稽古編。焦循詩經補疏。屬丙派。

二無專主派。若李光地詩所。惠周揚詩說。揚名時詩經笱記。嚴虞植讀詩質疑。顧鎮詩濬。均漢宋兼采。而不廢詩序。

三齊魯韓遺說派。采輯三家遺說者。始於朱之王伯厚。至本朝諸家。又爲之增輯。有范家相之三家詩拾遺。馬國翰之齊魯韓詩。林伯桐之詩考補注。周郡蓮之詩考異字箋餘。馮登府三家詩異文疏證。陳壽祺三家詩遺說考。陳喬樞四家詩異文考。凡與毛詩異文者。就師承授受。以定屬何家。雖不能毫無疏失。然亦可得概略矣。

三禮。三禮之學。至宋而微。至明而絕。周禮晚出。真偽之說。紛如聚訟。至誠爲劉歆僞造。鄭樵已駁正之。大抵周官六典。其源確出周公。而流傳既久。不免有所竄亂。鄭康成東漢大師。親爲之注。不以爲疑。而後人疑之。詎足以成信獻。至儀禮。宋元以來。傳習至少。至有明。則三禮之中。公令惟習禮記。故顧氏炎武有廢經習傳之歎。本朝乾隆中。欽定三禮義疏。儀禮之學。微而復興。今將習三禮流派。分疏於下。

一周禮 鄭注周禮。賈孔作疏。於名物度數特詳。本朝治周禮者。或標舉要義。以開制作之故。而略於名物度數。若李光坡周禮述注。李鍾倫周禮訓纂之類皆是。至惠士奇禮說。江永周禮疑義舉要。則一遵漢儒之舊。近孫詒讓作周禮正義。哀集衆說。於名物度數。考證極詳。遂駕賈孔而上之矣。

二儀禮 本朝治儀禮者。始於張爾岐儀禮鄭注句讀。厥後作者林立。蔡德儀禮本義。沈彤儀禮小疏。江永儀禮釋例。凌廷堪禮經釋例。並考證精核。至胡培壘儀禮正義。乃集大成。於儀禮之學。可謂毫髮無遺憾矣。

三禮記 鄭注以後。宋衛湜采康成以下百四十四家爲禮記雜說。舊注皆賴以存。本朝杭世駿著禮記集說。蒐集益備。又江永禮記訓義擇言。朱彬禮記訓纂。焦循禮記補注。于訓詁名物。考證尤詳。足以羽翼鄭學。

春秋三傳 春秋三傳。左邱明受經於孔子。公羊傳傳於公羊高。至景帝時其元孫壽。始著竹帛。穀梁傳傳於穀梁赤。其著于竹帛亦出於後之傳其學者。其書均晚。故左氏紀事爲詳。公穀二家多曲說。至唐趙匡。倡爲左氏非邱明。宋元諸家因之。故中唐以前。推尊左氏。晚唐以後。則推尊公穀。孫復劉敞輩。輒爲棄傳從經之說。夫舍事實而言是非。何異舍案證而決獄。及宋南渡之初。胡安國作春秋傳。多感激時事。往往借春秋以寓意。不必悉合經旨。而元延祐中。復科舉法。以胡傳懸爲功介。而明因之。于是合三傳爲四。茲叙春秋派。分爲四端述之。

一統治三傳 宋孫復以後。說春秋者。務以攻擊三傳相高。求駕乎先儒之上。穿鑿破碎之弊日生。本朝統治三傳者。有俞汝言春秋平義。及春秋四傳舉正。焦襄崇春秋闕如編。惠士奇半農春秋說。顧棟高春秋大事表。均持論正大。考證精密。一

矯前人穿鑿臆斷之失。

二左傳 本朝治左氏傳者。有杜注。有古注。其補正杜注者。有顧炎武左傳杜解補正。朱鶴齡讀左日鈔。沈彤春秋左氏傳小疏。焦循左傳補疏。沈欽韓春秋左傳補注。治古注者。有惠棟春秋補注。馬宗槩左傳補注。李貽德左傳賈服注輯述。臧蕃器春秋左氏傳古義。

三公羊傳 公羊之學。魏晉以後治者甚稀。僅存何劭公注。而穿鑿傳會。妄誕不經。其尤甚者。若歸周王魯。爲漢立制。例日例月。如是之類。不遑僂指。既不能執經以匡傳。又加之助傳以誣經。本朝治斯學者。有孔廣森春秋公羊通義。莊存與春秋正辭。劉逢祿公羊何氏釋例。何氏解詁。凌曙公羊禮說。公羊禮疏。公羊問答。陳立公羊義疏。大半守漢人治經之法。於何注訂正甚少。惟齊召南公羊傳注疏考證。何若瑤春秋公羊注質疑。能匡正何氏之失。

四穀梁傳 本朝經師。治穀梁者無多。乾嘉以來有姚鼐穀梁補注。許桂林穀梁釋例。侯康穀梁禮證。鍾文烝穀梁補注。柳興恩穀梁大義述。近人柯紹忞穀梁傳注。尤得體要。

孝經 孝經有今古文。朱子作刊誤。用古文。分爲經一章。傳十四章。刪舊文二百二十三字。吳澄作定本。依今文十二章。而改其次序。本朝治孝經。皆依今文不改定本。其輯鄭注佚文者。有臧庸孝經鄭氏解輯。嚴可均孝經鄭氏注。孔廣林及袁鈞孝經鄭注。其補舊疏者。有阮福孝經義疏補。

論語 本朝治論語者。有程廷祚魯論說。徐養原論語魯讀考。劉台拱論語駢枝。焦循論語補疏。劉寶楠論語正義。其輯古注者。有宋翔鳳論語鄭注。陳顛論語古訓。

孟子 本朝治孟子者。有焦循孟子正義。宋翔鳳孟子趙注補正。其輯古注者。有宋翔鳳孟子劉熙注。

四書 自南宋以後。始合大學中庸論語孟子爲四書。今依十三經之目。論語孟子別出。大學中庸歸入禮記。其合考四書者。分三類述之。

一考典制名物 有周炳中四書典故辨正。凌昭四書典故疑。閻若璩四書釋地。是書釋地理而王澐四書地理考。

二考義理 有陸隴其四書講義困勉錄。楊名時四書劄記。焦袁熹此本軒四書說。

三考訂文字 有翟灝四書考異。

爾雅 本朝治爾雅者。有翟灝爾雅補郭。邵晉涵爾雅正義。郝懿行爾雅義疏。嚴元照爾雅匡名。龍啓瑞爾雅經注集證。其輯古注者。有臧庸爾雅漢注。錢坫及黃奭爾雅古義。嚴可均爾雅一切注音。葉薰爾雅古注對。其校勘爾雅者。有張宗泰爾雅注疏本正誤。

群經總義 此類分五項述之。

一歷代石經 考歷代石經者。有顧炎武及萬斯同石經考。杭世駿石經考異。桂馥歷代石經考略。馮登府石經補考。漢石經有翁方綱漢石殘字考。魏石經有孫星衍三體石經殘字考。王國維魏石經殘字考。唐石經有錢大昕唐石經考異。嚴可均唐石經校文。王朝架唐石經考正。蜀石經有王昶蜀石經殘字考。北宋石經有丁晏汴學二體石經記。本朝石經。有彭元瑞石經考文提要。

二文字校勘 考群經文字者。有顧炎武九經誤字。畢沅經典文字辨證。錢坫十經文字通正書。李遇孫易詩春秋三傳異文釋。校勘群經者。有齊召南尚書禮記春秋三傳注疏考證。阮元十三經注疏校勘記。

三輯佚 輯古經說者。有王謨漢魏遺書鈔。馬國翰玉函山房輯佚書。余肅客古經解鈞沈。陳壽祺五經異義疏證。錢東垣輯鄭志。陳師輯六藝論。

四簡記 本朝諸家。經學簡記至夥。約舉之。有惠棟九經古義。臧琳經義雜記。江永群經補義。陳祖范經思。孔廣森經學卮言。劉台拱經傳小記。汪中經義知新記。李慎群經識小。王念孫讀書錄志。王引之經義述聞。程瑤田通藝錄。

五通考 通考諸經者。有焦循群經宮室圖。陳惠齡經書算學天文考。秦蕙田觀象授時。阮元經籍纂詁。

小學 本朝小學之精。遠邁前代。著書甚多。今約舉分述如左。

一說文解字 爲之注者。有段玉裁說文解字注。桂馥說文解字義證。王筠說文句讀。說文釋例。考新増字者。有鈕樹玉說文新附考。考聲韻者。有段玉裁六書音韻表。姚文田說文聲系。苗夔說文聲韻表。嚴可均說文聲類。成學標漢學諸聲。爲簡記者。有惠棟讀說文記。席世昌讀說文記。王念孫讀說文記。錢大昕說文答問。薛傳均疏證。胡秉虔說文管見。爲校勘者。有沈濤說文古本考。姚文田說文校議。苗夔說文繁傳校勘記。

二方言廣雅諸書 說文以外。古小學書。有方言。廣雅。釋名。小爾雅。急就篇諸書。戴震有方言疏證。杭世駿有續方言。程際盛有續方言補正。沈齡有續方言疏證。王念孫有廣雅疏證。江聲有釋名疏證。成蓉鏡有釋名補證。胡承珙有小爾雅義證。王煦有小爾雅疏。宋翔鳳有小爾雅訓纂。朱駿聲有小爾雅約注。孫星衍有急就章考異。王國維有校松江本急就篇。

三輯古字書 輯已佚古字書者。有孫星衍倉頡篇。陶方琦倉頡篇輯補。臧庸通俗文。任大椿小學鈞沈。字林考逸。陶方琦字林考逸補。王國維有史籀篇疏證。唐韻佚文。

四音韻 本朝音韻之學。始於顧炎武之音論。古音表。唐韻正。厥後江永有古韻標準。四聲切韻表。音學辨微。戴震聲韻考。聲類表。段玉裁之六書音韻表。王念孫古音二十一部說。洪榜四聲韻和表。錢大昕聲類。姚文田音譜。江有誥音學十書。王國維古金石文韻讀。聯綿字譜。補高郵王氏說文諧聲譜。

五古金文 本朝考古金文者。始于阮元積古齋鐘鼎款識。吳榮光之筠清館。但載款識。至曹載奎之懷米山房。潘祖蔭之攀古樓。吳雲之兩鬚軒。吳大澂之恒軒。端方之匋齋。諸書金款識。均圖象文字並重。厥後吳式芬據古錄。吳大澂念齋集古錄。搜集較廣。其集爲字書者。有吳大澂說文古籀補。近人有續爲補集者。吳大澂又有字說。雖僅數篇。然多精義。足補正許書。近年殷虛出貞卜文字。又可補金文所未及。

樂。本朝論樂之書。有應僑謙古樂書。李光地古樂經傳。江永律呂新論。律呂圖徵。江藩樂縣考。凌廷堪燕樂考原。陳澧聲律

通考。康熙以後。凡言律呂者。皆根據 御纂律呂正義。蓋 聖祖于樂學至精。後有作者。莫能外也。

二史學。約爲八類。曰正史。曰編年。曰紀事本末。曰古史。曰別史及載記。曰傳記。曰譜錄。曰地理。

正史 本朝學者。治正史者。約爲五類。曰注。曰校。曰輯。曰補。曰通考。

一注 爲正史補注者。有方苞史記注補正。梁玉繩史記志疑。錢大昭漢書辨疑。沈欽韓漢書疏證。周壽昌漢書注校補。何若瑤漢書考證。朱一新漢書管見。王先謙漢書補注。惠棟後漢書補注。沈欽韓後漢書疏證。周壽昌後漢書注補正。何若瑤漢書考證。侯康後漢書補注。王先謙後漢書補注。趙一清三國志注補。侯康三國志補注。錢大昭三國志辨疑。潘眉三國志考證。梁章鉅三國志旁證。周壽昌三國志注證遺。康發祥三國志補義。彭元瑞劉鳳誥新五代史補注。其考一部類者。有錢塘史記三書釋疑。王元啓史記三書正譌。汪越讀史記十表。梁玉繩漢書古今人表考。王元啓漢書律歷志正譌。全祖望漢書地理志稽疑。錢坫新紉注地理志。吳卓信漢書地理志補注。王紹蘭漢書地理志校注。楊守敬漢書地理志校補。洪頤煊漢書水道疏證。陳澧漢書地理志水道圖說。徐松漢書西域傳補注。畢沅晉書地理志新補正。方愷晉書地理志校補。溫日鑑魏書地理志校錄。楊守敬隋書地理志考證。

二補 爲正史補遺者。有錢大昕遼金元三史拾遺。厲鶚遼史拾遺。補表志者。有劉文淇楚漢諸侯疆域志。華湛恩後漢三公布表。錢大昭後漢書補表。補續漢書藝文志。顏敏三補續漢書藝文志。侯康補後漢書藝文志。洪誦孫三國職官表。洪亮吉三國疆域志。謝鍾英爲之注。吳增僅三國郡縣表。楊守敬爲校補。侯康補三國藝文志。洪亮吉東晉疆域志。十六國疆域志。錢儀吉補晉兵志。丁國鈞補晉書藝文志。郝懿行補宋書刑法志。食貨志。洪誦孫補梁疆域志。周嘉猷南北史世系表。汪士鐸南北史補志。徐文范東晉南北朝地輿表。顏敏三補五代史藝文志。倪燾宋史藝文志補。補遼金元三史藝文志。金門詔補遼金元三史藝文志。錢大昕元史氏族表。補元史藝文志。

三校 校全史者。有錢大昕二十二史考異。校一史者。有錢儀吉三國志考證。羅士琳等舊唐書校勘記。汪輝祖元史本證。校

一部類者。有汪遠孫漢書地理志校本。

四撰逸 輯逸史者。有汪文臺七家後漢書。湯球晉紀輯本。十家晉書輯本。晉陽春輯本。

五通考 通考諸史者。有萬斯同歷代史表。齊召南歷代帝王年表。段承基歷代統紀表。疆域表。沿革表。沈炳震二十一史四譜。鍾淵映歷代建元表。梁玉繩元號略。葉維庚紀元通考。李兆洛歷代紀元編。歷代地理韻編。陳芳績歷代地理沿革表。

楊守敬歷代地理沿革圖。王鳴盛十七史商榷。趙翼二十二史劄記。

編年 本朝編年之書。有徐乾學資治通鑑後編。畢沅續資治通鑑。夏竦明通鑑。其補正通鑑胡注者。有陳景雲通鑑胡注舉正。錢大昕通鑑注辨正。趙紹祖通鑑注商。其校勘通鑑者。有張敦仁通鑑刊本識誤。其補正通鑑綱目者。有陳景雲綱目訂誤。張庚綱目釋地糾繆。綱目釋地補注。

紀事本末 本朝之撰紀事本末者。有馬驥釋史。高士奇左傳紀事本末。張鑑西夏紀事本末。李有榮遼金紀事本末。谷應泰明紀事本末。楊陸榮三藩紀事本末。魏源聖武記。夏竦中西紀事。

古史 本朝治古史者。曰注。曰校。曰輯。分疏如下。

一注 陳逢衡著逸周書補注。朱右曾著周書集訓校釋。丁宗洛著逸周書管箋。洪亮吉著國語韋昭注疏。汪遠孫著國語發正。程恩澤著國策地名考。張琦著戰國策釋地。陳逢衡著竹書紀年集證。林春溥著竹書紀年補證。戰國紀年。古史紀年。古史考年同異表。王國維著今本竹書紀年疏證。

二校 顧廣圻著校刊國語札記。汪遠孫著國語考異。洪頤煊著校正竹書紀年。

三輯 汪遠孫著國語三君注輯存。孫馮翼輯世本。雷學淇著校輯世本。秦嘉謨著世本輯補。王國維著古本竹書紀年輯校。

別史及載記 有謝啓昆西魏書。陳顛續唐書。湯運泰南唐書注。王鴻緒明史彙。蔣良騏東華錄。王先謙東華錄。吳任臣十國春秋。梁廷枏南漢書。王國維蒙鞑備錄箋證。黑韃事略箋證。聖武親征錄校注。



傳記 有林春溥孔子世家補訂。孔繼汾闕里文獻考。王國維漢魏博士題名考。鄭珍鄭學錄。陳鼎東林列傳。錢儀吉碑傳集。繆荃孫續碑傳集。李元度國朝先正事略。李桓著獻類徵。錢林文獻徵存錄。杭世駿詞科掌錄。李富孫鶴徵錄。又後錄。秦瀛已未詞科錄。

譜錄 譜錄之類三。曰書目。曰姓氏年譜。曰金石。

一書目 目錄之學。至本朝而極盛。欽定四庫全書提要。詳載羣書之得失。刊本之優劣。作者之籍里履歷。無不詳盡。別爲簡明目錄。以便瀏覽。阮元有四庫未收書目。朱彝尊著經義考。謝啟昆著小學考。均爲前代未有之類作。至周中孚鄭堂讀書記。陳頗經籍跋文。錢泰吉曝書樓記。王國維五代兩宋監本考。兩浙古刊本考。並資博聞。

二姓氏年譜 有張澍姓氏尋源。古今姓氏書辨證。孫星衍洪堂輯元和姓纂。汪輝祖史姓韻編。九史同姓名略。遼金元三史同姓名錄。半廷相周公年表。林春溥孔孟年表。狄子奇孔孟編年。王懋斌朱子年譜。李紱陸象山年譜。錢大昕洪文惠洪文敏陸放翁王伯厚王介州年譜。王國維耶律文正年譜。段玉裁戴東原年譜。張程頤亭林閱百詩年譜。錢大昕疑年錄。吳修續錄。陸心源三錄。吳榮光歷代名人年譜。

三金石 此學肇於有宋。至本朝而極盛。約分四類。曰目錄。曰文字。曰圖象。曰考證。目錄諸書。有錢大昕潛研堂金石目。孫星衍寰宇訪碑錄。趙之謙訪碑錄補。吳式芬寰宇錄目。繆荃孫蕤風堂碑目。王國維宋代金文著錄表。國朝金文著錄表。錄文字者。有吳玉璫金石存。翁方綱兩漢金石記。王昶金石萃編。陸耀遙金石續編。陸增祥八瓊室金石補正。趙紹祖金石文鈔。黃本驥古誌石華。至分地之金石志。如關中中州山左兩浙之類。或錄文。或不錄文。體例不一。多不可計。圖象諸書。其關古禮器者。已見小學類。他如張燕昌金石契。褚峻金石經眼錄。劉喜海三巴金石苑。李佐賢古泉匯。程敦泰漢瓦當文字。王福田竹里瓦當文存。錢坫澆花拜石軒鏡銘集。吳大澂百家姓印譜之類。未遑備舉。考詩諸家有顧炎武金文字記。錢大昕潛研堂金石跋尾。武億金石三跋。嚴可均鐵橋金石跋。洪頤煊平津讀碑記。至李遇孫金石學錄。陸心源金石學錄補。

並可考見斯學之概略。

地理 地理之類。約爲四目。曰志。曰圖。曰水地。曰考古。

一志 本朝地志。欽定一統表外。有顧祖禹方輿紀要。洪亮吉乾隆府廳州縣圖志。雍正間 詔各省修通志。二百年間。或一脩再脩。或後來編輯。計各省有通志者。曰畿輔。曰盛京。曰吉林。曰河南。曰山西。曰山東。曰江南。曰江西。曰湖北。曰湖南。曰四川。曰雲南。曰貴州。曰浙江。曰福建。曰廣東。曰廣西。曰陝西。曰甘肅。曰新疆。其他府廳州縣。名山大勝跡。莫不有志。其私家著作中。尤典核者。有汪中廣輿通典。張澍蜀輿。田雯黔書。張澍續黔書。王崧雲南備徵志。松筠新疆識略。徐松新疆賦。其考邊防者。有盛繩祖衛藏圖志。松筠四招圖略。李心衡金川瑣記。毛奇齡蠻司合志。嚴如熤邊防備覽。祁韻士 皇朝藩部要略。張程蒙古游牧記。考外國者。有魏源海國圖志。徐繼畲瀛寰志略。

二圖 本朝直省地圖。以胡林翼一統輿圖爲善。至光緒朝。會典館圖。益加詳密。此外有吳大澂三省黃河圖說。馬徵麟長江圖說。上海製造局所譯海道圖說。施彥士海運圖說。

三水地 此學分古今二系。治古水地學者。有戴震及全祖望水經注。趙一清水經注釋。王先謙合校本水經注。張匡學水經注釋地。董祐誠水經注圖說殘卷。汪士鐸水經注圖。陳澧水經西南諸水考。楊守敬水經注要刪。水經注圖。治今水地者。有齊召南水道提綱。傅澤洪行水金鑑。黎世鐸續行水金鑑。徐松西域水道記。吳邦慶畿輔河道水利叢書。陶澍江蘇水利圖說。王鳳生浙西水利備考。

四考古 考古地理輯佚書者。有畢沅輯王隱晉書地道記。太康三年地記。張澍輯趙岐三輔決錄。關隴十三州志。辛氏三秦記。孫星衍輯唐括地志。曹元忠輯韋逸兩京新記。自著者。有徐松兩京城坊考。周城宋東京考。顧炎武歷代帝王宅京記。朱孔揚歷代陵寢備考。

三子 子部本以周秦間諸子命名。宋高似孫撰子略。凡不能歸入經史者。皆入子類。門目極繁。茲約爲四類。曰儒家。曰諸子。

曰考證。曰算術。

一儒學 本朝治義理之學者。分程朱派。陸王派。不分宗派三者。主程朱者。有李光地注解正蒙。榕村語錄。茅星來及江永近思錄集注。陸世儀近思錄輯要。陸隴其讀朱隨筆。三魚堂臆言。松陽鈔存。張履祥願學記。備忘錄。雷鋐讀書偶記。全祖望宋元學案。唐鑑國朝學案小識。主陸王者。有黃宗羲宋儒學案。明儒學案。吳鼎東蕘學案。李中孚四書反身錄。二曲集。李紱陸子學譜。其不分宗派者。有孫奇逢理學宗傳。湯斌洛學編。潛庵語錄。又戴震孟子字義疏證。陳澧漢儒通義。亦足與宋儒相發明。案漢人治經有家法。宋儒講學分門戶。漢儒之學。守一先生之說。授受有自。至東漢末季。鄭康成箋毛詩。注論語。乃兼采衆說。遂廢家法。而唐孔穎達作諸經正義。仍守家法之舊。其有稍雜他家之說者。至詆爲狐不首邱。葉不歸根。平心論之。萬壽師說。何如擇善而從。至宋代諸大儒。初亦無門戶之見存。而因資稟各異。考亭之沈潛。象山之高明。雖取徑略別。而殊途同歸。至門弟子。則師所各尊師說。力排異己。數百年來。治程朱之學者。至詆陸王學說爲異端。亦已過矣。大抵倡一學術。非得門弟子之紹述。不能昌大。而弊害卽于是出。又數百年來。于宋儒門戶之見外。更有漢宋之爭。平心論之。訓詁名物。典章制度。自以漢儒爲近古。而發明義理。則宋儒爲勝。合之則交益。離之則兩損。善夫。茅星來之言曰。馬鄭賈孔之說經。譬則百貨之所聚。程朱之說。譬則操權度以平百貨之輕重長短者也。微權度則貨之輕重長短不見。而非百貨所聚。則雖有權度。亦無所用之。故本朝欽定諸經。皆漢宋兼采。後儒復析漢宋而二之。後之學者。宜悉泯漢宋之見。而治義理之學者。當以孔孟爲歸。蠲除門戶之習。如康成之破除家法。擇善而從。斯可矣。

二諸子 自炎漢表章六經。諸子之學。已爲儒家所統一。故本朝治諸子之學者。特以其多存古事古訓。以爲研經之助已耳。汪氏中作墨子序。稱其論三年之喪爲悖道。而主博愛救世。以詩所謂凡民有喪徇徇救之之仁人許之。蓋汪氏生長孤寒。其撰先妣靈表。備述少年孤苦。值饑歲。母氏九死流離。三族無見郵者。其推重墨氏。殆如司馬子長之進游俠。乃有激之言。翁方綱遂斥爲墨者汪中。非能得孟子知人論世之旨者也。本朝治諸子之學。約分三類。述之于下。

一注 注周秦諸子者。有郝懿行荀子補注。洪頤煊管子義說。梁玉繩呂子校補。蔡雲昌子校補獻遺。孫詒讓墨子閒詁。

二輯 輯古子古注者。有邢澍司馬法輯注。嚴可均輯慎子逸文。商子。任兆麟輯尸子。章

宗源輯燕丹子。孫馮翼輯司馬彪莊子注。馬國翰有玉函山房輯佚子書。

三校 本朝校定諸子者。有謝薊校荀子楊倞注。吳翬校韓非子。作識誤。錢熙祚校尹文子。作校記。輯遺文。畢沅校墨子。

呂氏春秋。撰老子考異。汪繼培秦恩復校列子。任大椿作列子考異。錢熙祚校文字。作校記。

三考證 本朝考證羣經者。已略載人經類。其考證羣書者。茲舉其大要。有顧炎武日知錄。馮斯同羣書疑辨。張爾岐蒿鹿閒語。閔若璠潛邱衍記。王愆竑白田雜著。惠棟松崖筆記。徐文靖管城碩記。全祖望經史答問。邵晉涵南江札記。盧文弨鍾山札記。龍城札記。錢大昕十駕齋養新錄。孫志祖讀書脛錄。桂馥札樸。王念孫讀書雜誌。李庶芸炳燭編。錢塘澆亭述古錄。梁玉繩啓記。洪頤軒讀書叢錄。台州札記。多不勝舉。其校刊羣書者。有何義門讀書記。盧文弨羣書拾補。蔣光弼輯補隅錄。陸心源羣書校補。

四算術 數爲六藝之一。與經史相表裏。本朝治斯學。分三類。一曰中法。有戴震校算經十書。李潢九章算術。海島算經細草圖說。緝古算經考注。張敦仁緝古算經細草。開方補記。錢大昕三統術演。孔廣森少廣正負術內外篇。屈曾發九數通考。項名達勾股六術。馮桂芬弧矢算術細草圖解。治西法者。有李善蘭則古昔算書。中西兼采者。有梅文鼎勿庵歷算叢書。江永數學推步注解。李銳李氏遺書。董祐誠算術遺書。焦循里堂算記。張作楠翠微山房數學。羅士琳觀我生室算稿。夏鸞翔夏氏算書。徐有壬務民義齋算學。鄒伯奇鄒微君遺書。又阮元時人傳。羅士琳續時人傳。乃記古今之治斯學者。

四集 集部有總集別集。本朝作者林立。所撰別集。不遑備舉。茲述總集。及輯注前代別集。約分四類。一選學。二編集。三校注。四詩文評。

一選學 文選之學。取其多存古訓古義。其注多存古書。有裨經史。不僅取其詞華已也。本朝治文選者。有汪師韓文選理學

權輿。孫志祖文選理學權輿補。文選李注補正。朱珔文選集釋。梁章鉅文選旁證。張雲璈選學膠言。其考文字者。有薛傳均文選古字通疏證。校勘文字者。有孫志祖及胡克家文選考異。

二編集 本朝編集詩古文詞者。有隋代分地駢體三天綱。

一斷代 有嚴均可輯全上古三代六朝文。郭驥唐文粹補遺。陸心源唐文拾遺。莊仲方南宋文範。金文雅。繆荃孫遼文存。黃宗義明文授讀。薛熙明文存。姚椿國朝文錄。吳翊鳳國朝文徵。王昶湖海文傳。李調元全五代詩。吳之振宋詩鈔。曹廷棟宋百家詩存。厲鶚宋詩紀事。顧嗣立元詩選。席世臣元詩彙集。朱彝尊明詩綜。卓爾堪明遺民詩錄。陳田明詩紀事。沈德潛三朝詩別裁。吳翊鳳國朝詩。王士禛感舊集。王昶湖海詩傳。朱彝尊唐五代宋詞綜。王昶明詞綜。孫獸十六家詞。

二分地 有楊鍾義八旗文經。夏竦海陵文徵。羅汝懷湖南文徵。蘇源生中州文徵。朱壬林當湖文徵。凌淦松陵文錄。陳遇春歐栢先正文錄。湯成烈縉雲文徵。邵松年海虞文徵。鐵保熙朝雅頌集。陶樸畿輔詩傳。孫贊元遵化詩存。盧見曾山左詩鈔。張鵬展續鈔。周翁鎮卽墨詩乘。王庶言東武詩存。王豫江蘇詩徵。朱緒曾歷代金陵詩徵。國朝金陵詩徵。畢沅吳會英才集。阮元淮海英靈集。王應奎海虞詩苑。顧光旭梁谿詩鈔。桂中行徐州詩徵。王昶青浦詩傳。何其超續詩傳。宋蓮海上詩選。阮元兩浙輶軒錄。潘衍桐續錄。吳頌杭郡詩輯。吳振械續輯。丁申丁丙三輯。曹宗載峽川詩鈔。許仁沐續詩鈔。沈季友穆李詩繫。胡昌基續詩繫。許燾梅里詩輯。陸心源吳興詩輯。周慶雲溇溪詩徵。胡文學甬上者舊詩。全祖望續甬上者舊詩。卞元煒黔土詩輯。商盤越風。張廷枚姚江詩存。錢枚上虞詩錄。呂岳孫疎詩鈔。朱珍金華詩錄。宗源瀚嚴州詩錄。成學標三台詩錄。曾煥江西詩徵。鄧顯鶴沅湘者舊集。資江者舊集。鄭王臣甯風清韻集。溫汝能粵東詩海。伍崇曜楚庭者舊詩前後集。彭泰來端人集。唐樹義黔詩紀略。黃琮演詩嗣音集。袁文典演南詩略。許印光滇詩重光集。陳榮昌滇詩拾遺。繆荃孫常州詞錄。凡分地詩文總集。可考見一方文獻。不備其詞章足重已也。集錄之多。此亦我朝文化盛於前代之一。故詳記之。

三駢體 本朝選駢文者。有陳均唐駢體文鈔。彭元瑞宋四六選。李兆洛駢體文鈔。曾煥國朝駢體文鈔。吳翕八家四六文鈔。

三輯注、本朝校輯前代別集者。有張澍輯漢皇甫農集。張太常集。段太尉集。孫星衍輯王無功集。黃本驥輯顏魯公集。錢振常樊南文集補編。注前代別集者。有陶澍陶靖節集注。吳兆宜及倪璠注庾子山集。吳兆宜注徐孝穆集。蔣清瑤王子安集注。王琦李太白集注。仇兆鰲杜詩詳注。楊倫杜詩鏡銜。趙殿成王右丞集注。顧嗣立昌黎詩箋注。孫之騷玉川子詩注。王琦李長吉歌詩免解。馮集梧樊南文集注。馮浩玉谿生詩詳注。顧子咸顧嗣立溫飛卿集箋注。查慎行蘇詩補注。馮應榴蘇詩合注。王文誥蘇詩編注集成。施國祁元遺山詩注。金檀高青邱詩集注。徐嘉顯亭林詩集注。

四詩文評 本朝評論詩文詞賦者。有彭元瑞宋四六話。李調元賦話。王正孫讀賦危言。趙執信聲調譜。鄭方坤五代詩話。王士禛帶經堂詩話。朱彝尊靜志居詩話。沈德潛說詩醇語。潘德輿李杜詩話。徐鉉詞苑叢談。萬樹詞律。

此章所載本朝人著錄。除 欽定諸書。已載前章。不更錄入。其四部著作。舉其要者。不能備及。讀者就此隅反可也。

### 第三章 本朝學者之研究方法

本朝學者。研究學術方法。或就前人成法而擴充之。或爲前人所略。本朝學者所始創。約舉六端。述之如下。

一曰徵經 漢人治經。篤守師法。至鄭康成。始破師說之拘牽。而兼採衆說。卽經傳有疑義。亦或加駁難。而康成以後。治經者仍守師說之舊。顧亭林氏謂左氏解經。多不得聖人之意。元凱注傳。必曲爲之疏通。鄭康成則不然。其於二禮之經。及子夏之傳。往往駁正。舉其駁正周禮者二事。儀禮者四事。禮記者十四事。稱其所駁雖未盡當。視杜氏之專阿傳者不同。經注之中。可謂卓然者乎。本朝治經。亦不盡免顧氏所譏。然如程瑤田作儀禮喪服文足徵記。則涵泳經文。而不曲徇鄭注。鄭之所駁。程氏每據經文以訂正之。林喬任作三禮陳數求義。亦據經訂注。胡煦下法通考。詳考古下法。于周禮鄭注之誤。一一據經文駁正。今證以殷虛所出貞卜用之甲骨。則僉與胡氏訂正相合。此徵經訂注。乃研究之法一也。

二曰釋詞 經傳中實字易訓。虛詞難釋。語詞之釋。肇於爾雅。粵于爲日。茲斯爲此。若斯之類。皆約舉一隅。以待三隅之

反。願語助之文。散見經傳者。漢以來經師。多略而不究。或以實義釋之。遂使其文打格而意不明。如詩終風且暴。毛詩謂終日風爲終風。韓詩謂終風爲西風。王念孫以詩燕燕之終溫且惠。北門之終窶且貧。伐木之終和且平。甫田之終善且有。比例之。遂釋終爲詞之既。終風且暴。爲既風且暴。其文遂明白曉暢。王引之遂據此類推。搜訪九經三傳周秦西漢之書。撰經傳釋詞。于前人之誤解。訂正甚多。此爲往代諸儒之所略。乃研究之法二。

三曰釋例。群經周秦間古文本。與今不同者多。執今日文法。以讀古書。每致打格不通。俞樾撰古書疑義舉例以明之。蓋因王氏撰經傳釋詞。由比例而知。觸類而長。因推廣其法。舉例八十餘條。洵足爲讀書之良法。此亦以前經師所未及。乃研究之法三。

四曰審音。考古韻者。肇端于宋吳棫韻補。然廔雜割裂。至明陳第。撰毛詩古音考。屈宋古音義。始秩然有條理。至本朝顧炎武。作音學五書。所造乃益深。顧氏定古音爲十部。厥後江永增爲十三部。戴震增爲十六部。段玉裁增爲十七部。孔廣森增爲十八部。王念孫江有誥。增爲二十一部。愈推愈密。于是本朝音韻之學。冠絕前代。古音既明。王念孫作廣雅疏證。以詰訓之旨。本於聲音。乃就古音以求古義。段玉裁序其書。謂能以古音得經義。天下一人而已。郝懿行作爾雅義疏。亦依王氏法。以釋詰訓。遂陵駕前人。審音以求義。乃研究之法四。

五曰類考。本朝學者治經史。多分類考究。茲舉經部示例。約爲六目。一天文歷象。有盛百二尚書釋天。陳厚耀補春秋長歷。姚文田春秋傳朔閏考。施彥士春秋經傳朔閏表發覆。吳守一春秋日食質疑。陳懋齡經書算學天文考。秦蕙田方觀承觀象授時。二地理。有蔣廷錫尚書地理今釋。焦循毛詩地理釋。高士奇春秋地名考略。程廷祚春秋地名辨異。江永春秋地理考實。三典制。有惠棟補說。毛奇齡郊社禘禘問。大小宗通釋。任啓運肆獻裸饋食禮纂。程瑤田宗法小記。沈彤周官祿田考。周禮軍賦說。胡匡衷儀禮釋官。程廷祚春秋職官考略。四氏族姓名。有李超孫詩氏族考。陳厚耀春秋世族譜。王引之春秋名字解詁。高士奇左傳姓名同異考。程廷祚左傳人名辨異。五宮室與服。有程瑤田釋宮小記。洪頤煊禮經宮室答問。胡培壺燕巖考。阮元車制圖考。鄭珍輪輿私箋。任大椿弁服程例。六考工。有戴震考工記圖。程瑤田考工創物小記。其關於史者。已略見前編中。不更及。此

## 研究之法五。

六曰據佚。據集佚書。始於宋之王應麟。本朝乃益昌大之。乾隆間。奉勅于永樂大典采輯佚書。刊入聚珍版叢書者。不及三之一。其他尚不下二百餘種。此外若王謨。若孫星衍。若余蕭客。若臧庸。若孫堂。若袁鈞。若張澍。若馬國翰。若章宗源。若黃輿。若嚴可均。若陳鱣。若趙在翰。不下十餘家。輯書不下數百種。俾學者得考見已佚古書。乃研究之法六。

以上六者。略舉示例。不及詳述。

## 第四章 本朝學術之得失

本朝學術概要。已具前三章。至其得失。可得而言。大約得與失蓋相半也。所謂得者何。一曰師承有自。本朝學術。固由於國家倡導。而考其師承。則導源於顧處士炎武。處士之學。在明體達用。而紹其學者。亦得其半而已。顧氏之學。始傳吳中。傳皖江。已復傳于江蘇。並光被他省。雖嘉慶以前。國家平治。海內安乂。致傳顧氏之學者。不復留意于致用。而於經史考訂。紹述甚廣。此一得也。二曰研究有法。本朝學者。研究學術。心精力果。其法至密。已略其十章。故得超軼漢唐。著作宏富。此二得也。三曰取材宏富。前代學者。于名物制度。多憑經注爲圖。非實見其物。如宋代之三禮圖等。概憑理想。罕得真像。自阮元以後。至吳大澂。始以古禮器文字。考證許書。程璜田作考工艸物小記。就傳世古器。以證經傳。吳大澂用其法。以考度量權衡。遂一洗前人鑿空臆定之弊。近三十年。汧陽之卜文。西陲之簡牘。中州關中所出古金石刻。古器物。可據以考證古文。字經史者不少。又爲以前學者所未及見。此三得也。其所謂失者何。一曰詳訓詁而略義理。本朝欽定諸經注。皆漢宋兼採。折中至當。乃後來諸儒。悉貴漢而輕宋。夫以顧氏炎武。爲本朝學者所服膺。而亭林在關中。建朱文公祠。江氏永。王氏懋斌。漢學甚深。而一注近思錄。一爲朱子年譜。初未敢輕宋學也。予又嘗見段氏玉裁與王石履書。有今日之弊。在不尚品行政事。而尚勸說漢學。亦與河惠相同。然則理學不可不講。在百年以前。已概乎言之。今日士氣銷沈。不能不歸咎於重訓詁。



輕義理。此一失也。二曰舍訓詁而講微言大義。夫重訓詁。略義理。其害既如此。乃道光以來學者。復舍東漢而師西漢。先是有常州莊存與劉逢祿。講公羊之學以遺其端。厥後學者。從風而靡。變本加厲。至光緒中葉。遂有倡素王改制之說者。惡諸經之害已。誣爲皆出劉歆僞造。惑衆誣民。流毒至今。此二失也。三曰疑古信今。海禁未開以前。學說統一。周孔以外。無他學也。自西學東漸。學術乃歧爲二。其實近日歐洲新說。皆爲中國古代過去之陳跡。孟子載神農之言。及貉之無君臣上下。百官有司。與今日歐人所倡。其何以異。在中國早已扞格不行。久歸淘汰。在歐則爲斬新之學說。乃今之學者。于我先聖百王數千年所歷試。盡善盡美之政學則疑之。于外來之新說則信之。賤美玉而寶瑛珉。其失三也。統觀三失。前者爲百年前之失。後者。近三十年之失也。以今日社會現狀觀之。學者倘亦憬然悟乎。

## 本朝學術源流概略終



H:  
00151